



Broj: 05-5577-5/21
Sarajevo, 27.01.2022. godine

Na osnovu člana 23. stav (1) tačka m) i r) Zakona o Agenciji za bankarstvo Federacije BiH („Službene novine Federacije BiH“, broj 75/17), člana 16. stav 1) tačka n) i t) Statuta Agencije za bankarstvo Federacije BiH („Službene novine Federacije BiH“, broj 3/18), člana 64. stav (1) tačka b) i člana 70. Zakona o javnim nabavkama („Službeni glasnik BiH“, broj 39/14) i člana 10. stav (1) Pravilnika o postupku dodjele ugovora o uslugama iz Aneksa II. dio B Zakona o javnim nabavkama („Službeni glasnik BiH“, broj 66/16), direktor Agencije za bankarstvo Federacije BiH donosi

ODLUKU

o izboru kvalifikovanih ponuđača za javnu nabavku pravnih usluga

I

Za kvalifikovane ponuđače u postupku javne nabavke pravnih usluga za potrebe Agencije za bankarstvo Federacije BiH u 2022. godini, biraju se slijedeći ponuđači:

- Advokatsko društvo Pizović d.o.o. Sarajevo;
- Zajednička advokatska kancelarija Damir Katica i Amin Hasović;
- Advokat Almir Gagula;
- Advokatska kancelarija Nermin Vila;
- Advokat Mirza Aganović;
- Advokat Sead Temim;
- Advokatsko društvo „Legal Partners“ d.o.o.;
- Advokat Mr. Adel Ković i
- Advokat Amela F. Filipović.

II

Ponuđači iz tačke I. ove odluke dostavili su prihvatljive ponude po Pozivu za dostavu ponuda za nabavku pravnih usluga, objavljenom na internetskoj stranici Agencije za bankarstvo Federacije BiH dana 31.12.2021. godine, te Izmjenom poziva, objavljenom na internetskoj stranici Agencije za bankarstvo Federacije BiH dana 14.01.2022. godine, koje u cijelosti zadovoljavaju zadane kvalifikacijske uslove za učešće u predmetnom postupku nabavke.

III

Agencija će, kada se ukaže potreba za nabavkom usluga, za svaku uslugu u skladu sa pojedinačnim potrebama, vršiti izbor između prijavljenih ponuđača, odnosno dostavljenih ponuda, cijeneći pritom – u svakom pojedinačnom slučaju, specifičnost i kompleksnost nabavke, kao i vrijednost sudskih sporova, uvažavajući i pravnu oblast u koju su svrstane usluge koje su predmet nabavke.

IV

U skladu sa članom 45. tačke c) i d) Zakona o javnim nabavkama i tačkom 6., podtačkom 6.1 Poziva za dostavu ponuda za nabavku pravnih usluga, u svrhu dokazivanja lične sposobnosti kvalifikovani ponuđači, koji nisu dostavili dokaze u svojim ponudama, obavezni su dostaviti dokaze u svrhu dokazivanja činjenica potvrđenih u izjavi, u roku od 5 (pet) dana od dana prijema odluke o izboru kvalifikovanih ponuđača.

V

Za realizaciju ove odluke zadužuju se Sektor za pravnu podršku i licenciranje i Sektor zajedničkih funkcija.

VI

Ova odluka stupa na snagu danom donošenja i bit će objavljena na internetskoj stranici Agencije, u skladu sa članom 70. Zakona o javnim nabavkama, istovremeno sa upućivanjem iste ponuđačima koji su učestvovali u predmetnom postupku javne nabavke.

OBRAZLOŽENJE

U skladu sa odredbama Zakona o javnim nabavkama („Službene novine Federacije BiH“, broj: 39/14), u daljem tekstu: Zakon o javnim nabavkama), dana 31.12.2021. godine na internetskoj stranici Agencije za bankarstvo Federacije BiH (www.fba.ba) objavljen je Poziv za dostavu ponuda za javnu nabavku pravnih usluga za potrebe Agencije za bankarstvo Federacije BiH u toku 2022. godine, te Izmjena Poziva od 14.01.2022. godine, na period od godinu dana, procijenjene vrijednosti od 41.500,00 KM bez poreza na dodanu vrijednost (PDV).

Kako su prema odredbama člana 8. Zakona o javnim nabavkama ove usluge svrstane u kategoriju usluga na koje se primjenjuje poseban režim javne nabavke, pri provođenju nabavne procedure odabran je postupak javne nabavke usluga u skladu sa Pravilnikom o postupku dodjele ugovora o uslugama iz Aneksa II. dio B Zakona o javnim nabavkama.

Nakon izvršenog pregleda svih ponuda, odnosno provjere dokumentacije koju su ponuđači priložili uz iste, utvrđeno je da su ponude ponuđača Advokatsko društvo Pizović d.o.o. Sarajevo, Zajednička advokatska kancelarija Damir Katica i Amin Hasović, Advokat Almir Gagula, Advokatska kancelarija Nermin Vila, Advokat Mirza Aganović, Advokat Sead Temim, Advokatsko društvo „Legal Partners“ d.o.o., Advokat Mr. Adel Kopic i Advokat Amela F. Filipović kvalifikovane i prihvatljive, te da su dostavljeni svi traženi dokazi propisani pozivom.

Ponuđači Advokatsko društvo Pizović d.o.o. Sarajevo, Advokat Mirza Aganović, Advokat Sead Temim i Advokatsko društvo „Legal Partners“ d.o.o. u svojim ponudama nisu dostavili tražene dokaze u pogledu lične sposobnosti – član 45. Zakona o javnim nabavkama u ovjerenoj kopiji, te su isti u skladu sa ovom Odlukom dužni u roku od 5 (pet) dana od dana zaprimanja odluke o ishodu postupka javne nabavke Ugovornom organu dostaviti navedene dokaze u originalu ili ovjerenoj kopiji od strane nadležnog organa, ne stariji od 3 (tri) mjeseca od datuma dostave ponude.



U postupku ocjene provedenog postupka, ocijenjeno je da je izbor kvalifikovanih ponuđača izvršen u skladu sa Zakonom o javnim nabavkama, podzakonskim aktima i Pozivom za dostavljanje ponuda.

Na osnovu svega navedenog, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom, u skladu s odredbama članova 97., 99. i 101. Zakona o javnim nabavkama (“Službeni glasnik BiH”, broj 39/14).



DIREKTOR

Jasmin Mahmužić

Dostaviti:

- ponuđačima u postupku;
- a.a.

